



Broj: JN06-16-4-14-13/25
Datum: 23.06.2025. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), a na Preporuku Komisije za javne nabavke, br. JN06-16-4-14-12/25 od 18.06.2025. godine, u postupku javne nabavke usluga sistematski pregled pripadnika Službe obezbjeđenja za potrebe Zavoda za izvršenje krivičnih sankcija, pritvora i drugih mjera Bosne i Hercegovine, upravnik Zavoda, d o n o s i

ODLUKU O IZBORU NAJPOVOLJNIJEG PONUĐAČA ZA NABAVKU USLUGA SISTEMATSKI PREGLED PRIPADNIKA SLUŽBE OBEZBJEĐENJA

Član 1.

Prihvata se Preporuka Komisije za javne nabavke, br. JN06-16-4-14-12/25 od 18.06.2025. godine i Ugovor za nabavku usluga sistematski pregled pripadnika Službe obezbjeđenja, dodjeljuje se odabranom ponuđaču JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo, za ponuđenu cijenu od 44.800,00 KM, (usluga oslobođena PDV-a po članu 24. stav (1) Zakona o PDV-u), kao najbolje ocijenjenom ponuđaču.

Član 2.

Prijedlog Ugovora o nabavci dostavit će se na potpis odabranom ponuđaču po isteku roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove Odluke zadužuju se i ovlašćuju Služba za opšte, pravne i materijalno-fnansijske poslove.

Član 4.

Ova Odluka uputiće se ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, br. JN06-16-4-14-3/25 od 20.05.2025. godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a iznosi 60.000,00 KM.

Tenderska dokumentacija br. JN06-16-4-14-4/25 i Obavještenje o nabavci, br. 24650-1-2-52-3-77/25 su objavljeni 22.05.2025. godine na Portalu javnih nabavki.

Komisija za javne nabavke imenovana je Odlukom o imenovanju Komisije za javne nabavke, br. 06-16-4-1372-1/25 od dana 10.02.2025. godine.

Komisija za javne nabavke je dana 18.06.2025. godine, dostavila Zapisnik o pregledu i ocjeni ponuda, br. JN06-16-4-14-11/25 i Preporuku o izboru najpovoljnijeg ponuđača, br. JN06-16-4-14-12/25 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da je blagovremeno zaprimljena 3 (tri) ponude,
- da nije bilo neblagovremeno zaprimljenih ponuda,
- da su blagovremeno ponudu dostavili ponuđači JZU Zavod za medicinu rada i sporta Republike Srpske, JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo i JU Zavod za medicinu rada Kantona Sarajevo,
- da su ponude ponuđača JZU Zavod za medicinu rada i sporta Republike Srpske, JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo i JU Zavod za medicinu rada Kantona Sarajevo prihvatljive i ispunjavaju sve uslove zadate tenderskom dokumentacijom.

Na osnovu člana 11. Pravilnika o uslovima i načinu korištenja e-aukcije („Službeni glasnik BiH“ br. 80/23) u predmetnom postupku nije predviđeno održavanje e-aukcije.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravnik Zavoda za izvršenje krivičnih sankcija, pritvora i drugih mjera Bosne i Hercegovine, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača, izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.


Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni list BiH“, broj: 39/14 i 59/22).



Dostaviti:

1. Komisiji za javne nabavke,
2. JU Zavod za zdravstvenu zaštitu zaposlenika
Ministarstva unutrašnjih poslova Kantona Sarajevo,
3. JU Zavod za medicinu rada Kantona Sarajevo,
4. JZU Zavod za medicinu rada i sporta Republike Srpske,
5. U spis.